

朝陽縣志卷六

廟祠

古聖人制禮以祭為先誠以崇德報功為民求福有國者之責也國家設壇壝致祭社稷先農以及秩祀羣祀諸典禮固莫不釐然隆備縣官負守土之義務責任不減古諸侯於壇壝之外所有文武城隍各廟以及有遺愛於人民有懿行於鄉里為循良為節孝者皆宜隨時崇奉以激發人民景慕倣仿之忱禮云凡祭有其舉之莫敢廢也特彙祀典所載者志廟祠

朝陽縣志

卷六 廟祠

一

先農壇

社稷壇

風雲雷雨山川壇

厲壇 以上俱未建屆期各設壇致祭

關帝廟 在三座塔城內東塔舊址之右乾隆十三年

建欽定熱河志

文昌廟 未建

馬神廟 在東塔關帝廟之東乾隆十八年建以上承德府志

堯祠 昌黎郡龍城縣有堯祠魏書地志 龍城縣為今三

座塔地今祠址無考

欽定熱河志

興中州文廟 宣聖廟在興中州東北隅

元一統志按元興中州

為今三座塔地今屬朝陽縣

川州文廟

川州文廟遼時常創廟學於川州治西南

金承德五年重修泰和初趙秉文為記

元一統志按元川州為

今三座塔東北境今屬朝陽縣

建州文廟

文廟在建州西北隅

元一統志按元建州為今三座塔西南

境今屬朝陽縣以上均承德府志 以

文廟 在縣署東道光三十年建照壁內東西牌坊各

朝陽縣志

卷六 廟祠

二

一座向東額曰禮門向西額曰義路中櫺星門一座

內大成殿三楹正位奉

至聖先師孔子神位額曰師表萬世中間四配祀復

聖顏子宗聖曾子述聖子思子亞聖孟子東間祀先

賢閔子損冉子雍端木子賜仲子由卜子商有子若

西間祀先賢冉子耕宰子予冉子求言子偃顓孫子

師朱子熹十二哲位均東西嚮東西兩廡祀先賢蘧

瑗與聖門諸子及後世從祀諸賢其位次均照熱河

文廟開列後有東西考棚十間縣設第一兩等小學

在其內

崇聖祠 在大成殿後中設

肇聖王木金父公左

裕聖王祈父公右

治聖王防叔公左次

昌聖王伯夏公右次

啓聖王叔梁紇公位皆南嚮

文昌 未建專祠即附祀於崇聖祠內

關岳廟 在縣治東街東塔舊址之右即乾隆十三年

朝陽縣志

卷六

廟祠

三

所建之關帝廟後道光二十三年光緒二十六年兩次重修勢頗宏壯頭門有牌樓一座額曰浩然正氣內左右鐘鼓樓各一座正面有過殿兩層前層爲馬殿二層係列放儀仗等事再內正殿三楹額曰萬世人極正位奉

關聖帝君神像民國以來合祀關岳續添

岳武穆王牌位一座即名爲關岳廟殿前有銅鼎一座高八尺餘院中老樹參天巢其上者烏鵲甚多每日早晚齊鳴如慶神庥焉

城隍廟 在縣治西南門外半里許光緒十六年建民國七年重修正殿三楹中塑

城隍神像旁立書吏役卒東西兩廂塑十入層地獄像壯甚獐惡觀者恒惴惴焉後殿三楹作

城隍神寢室狀

魁星閣 在文廟西南隨文廟建

馬神廟 在縣署馬號內廟一楹與土地祠連

土地祠 在縣署馬號內祠與馬神廟皆隨縣署建

藥王廟 在關岳廟之東亦南向

朝陽縣志

卷六 廟祠

四

財神廟 在關岳廟之西亦南向

火神廟 在關岳廟之東南向

龍王廟 在關岳廟之西南向

雹神廟 城內未建鄉間有二一在縣治西里

之雹神廟村一在縣治東北之他拉稿村

祖師廟 在縣治東北門外清同治七年城內百工合資建以祀各工祖師者各行按期祭其祖師香火甚

盛

鄉勇祠 在文廟西南之跨院內同治五年建以祀歷

次土寇作亂縣城失守死事之鄉勇祠一楹各設木  
主題名其上春秋地方官致祭

節孝祠 在鄉勇祠後祠一楹祀縣內節孝婦女

朝陽縣志

卷六 廟祠

五